

大方廣佛華嚴經

第五十七

百九
垂九

47872



元祿九年丙子二月日重脩

皇圖環固 帝階綴昌

佛日增輝 懋合輪常轉

山城州天安寺法金剛院置

大方廣佛華嚴經卷第五十七

垂

東晉天竺佛陀跋陀羅譯

入法界品之十一

尔時離憂妙德天偈讚歎已恭敬法故俱昇
法堂昇法堂已周遍推求彼釋迦女即見坐
於寶蓮華藏師子之座八万四千衆女圍遶
皆是貴族王者之女悉於過去彼菩薩所修
行諸行同彼菩薩一切善根常以布施愛語
攝取衆生求薩婆若利益一切令諸衆生同

佛善提大悲爲首普念衆生如一子想修習
大悲普覆一切過去已曾於菩薩所修不思
議勝妙智慧於阿耨多羅三藐三菩提得不
退轉具足成滿諸波羅蜜心無所著直心智
慧皆悉清淨求薩婆若離障蓋網超出諸難
得淨法身行普賢行長養菩薩一切諸力成
就圓滿淨智慧日爾時善財五體投地敬禮
瞿夷禮已合掌於一面任白言大聖我已先
發阿耨多羅三藐三菩提心而未知菩薩云
何行生死中而無所染覺了一切諸法實相
超出聲聞緣覺之地任如來地而不捨離菩
薩所行修菩薩行不離佛地超出世間法身
圓滿應世受生普現種種諸方便身知法無
性示現一切衆生之身解甚深法以妙音聲

圓滿應世受生普現種種諸方便身知法無
性示現一切衆生之身解甚深法以妙音聲
而為說法知衆生空而能不捨化諸世間知
一切佛不生不滅而能供養心無退轉知無
業報而行善業無有休息尔時瞿夷作如是
言善哉善哉善男子能問諸菩薩摩訶薩所
行之法修習普賢諸行願者能如是問諦聽
諦聽善思念之我當承佛神力為汝解說善
男子若有菩薩成就十法則能滿足因陀羅
網普智光明菩薩之行何等為十所謂依善
知識廣發無量諸弘誓願修淨勝妙正真希
望集一切智功德聞佛出世歡喜無量心常

樂住三世佛所隨順一切諸大菩薩悉爲一
切佛所護持清淨大悲遠離生死是爲十法
若有菩薩成就此法則能滿足因陀羅網普
智光明菩薩之行佛子若諸菩薩勇猛精進
心無退轉出生修習佛無盡法值善知識故
佛子菩薩有十法值善知識何等爲十所謂
不惜身命不求世樂知諸法相而不捨離一
切智願觀察法界離三有海無所依住深入
一切菩薩諸願普照一切諸佛世界淨修菩
薩圓滿智慧是爲十法值善知識今時瞿夷
承佛神力觀察十方欲重明此義以偈頌曰
無諂於知識 智慧廣無量 專求佛菩提

利益諸衆生

恭敬善知識

其心如佛想

勇猛精進力

具因陀網行

解脫心增廣

其量均虛空

攝取於三世

佛刹及衆生

直心如虛空

遠離煩惱垢

出生佛功德

是為身雲行

不思議智慧

積集功德海

清淨福業藏

不染於世間

一切諸佛所

聞法無厭足

智慧燈普照

是為照世行

一念皆能誦

十方刹海佛

聞法分別知

是為隨順行

見佛眷屬海

究竟三昧海

滿足諸大願

是因陀網行

未來劫修行

諸佛所護念

普照諸世界

是為法光行

大悲見衆生

智日出世間

法光除癡闇

是爲智日行

見諸趣衆生

迴流生死中

爲轉淨法輪

是爲普賢行

智慧身無量

隨應而示現

普於一切趣

度脫諸群生

發起大慈悲

普覆於一切

遍照諸群生

今得佛菩提

善男子我已成就分別觀察一切菩薩三昧

海法門善財白言大聖此法門者境界云何

答言善男子我入是法門知此娑婆世界衆

生佛刹微塵等劫中死此生彼作善惡業受

諸果報在生死道出生死者正定邪定及不

定聚有使善根無使善根具足善根不具足

善根不善根善根攝不善根不善根攝善

根善根所起不善根所起一切善惡皆悉了
知彼諸劫中佛興于世我悉了知知彼諸佛
初發道心行菩薩行出生一切諸大願海知
彼供養一切諸佛具菩薩行成等正覺轉正
法輪現自在力化度衆生知彼眷屬聲聞緣
覺之所修行過去修習一切善根得明淨智
成就寂滅自在法華經卷七顯現種種自在神力教
化衆生而般涅槃知彼眷屬諸菩薩衆初發
道心修習善根出生種種諸大願行成就滿
足諸波羅蜜種種莊嚴菩薩之道菩薩諸地
自在之力菩薩諸地任分別修習諸菩薩地淨
菩薩地修菩薩地菩薩諸地相菩薩諸地智

菩薩諸攝智菩薩善巧方便教化衆生菩薩
諸住菩薩圓滿淨行菩薩自在行菩薩三昧
海菩薩方便於念念中悉知菩薩諸三昧海
一切種智電光法雲得諸法忍盡一切智底
知彼菩薩詣佛刹海究竟法海知衆生海修
習一切菩薩法門滿足大願顯現種種自在
神力如是等事我悉了知如此娑婆世界知
十方世界世界性世界海世界輪世界圓滿
世界分別世界旋世界轉世界蓮華世界須
彌世界相中事亦復如是盧舍那佛本願力
故我悉深入分別念知何以故此法門者悉
知一切衆生心海知一切衆生積集善根知

一切衆生有垢有淨知一切衆生性知一切
聲聞三昧自在法門知一切緣覺菩薩諸佛
三昧自在法門如是等事悉分別知善財白
言大聖發阿耨多羅三藐三菩提心來其已
久如荅言佛子乃往古世過世界微塵等劫
有劫名勝光明時有世界名離恐怖彼世界
中有四天下彼閻浮提中有一王都名妙德
樹須弥山於八天王都最爲殊勝彼有王名
一切寶主有六万妹女五百大臣五百王子
端正勇健摧伏怨敵其王太子名增上功德
主顏貌殊勝相好嚴身與万妹女俱持妙幢
散諸寶華作諸伎樂乘妙寶車詣香山遊

戲園林時彼道路坦然平正種種莊嚴散衆
妙華寶樹行列衆妙寶帳以覆其上於彼路
側積衆寶聚雜種種衣諸莊嚴具餽饒飲食
如是等事隨其所須皆給施之時有母人名
曰善現將一童女名曰離垢妙德端嚴姝妙
脩短得所顏容無倫目髮紺色脣齒丹素口
出梵音才能巧妙言論聰辯修習慈心見者
無厭少貪恚癡常懷慚愧心無諂曲乘妙寶
車姝女圍遶從母遊觀先太子前至香牙園
太子見已生深愛心語其母言欲聘賢女以
爲我妻母語女言太子今欲求汝爲妃於意
云何女白母言若欲使我爲彼妃者當自殞

滅母報女曰勿作此言所以者何今此太子
悉已具足轉輪王相必為聖王有玉女寶汝
當尔時不堪給使此處尊勝莫生難心時彼
園外有一道場名法雲光有勝日光如來應
供等正覺出興于世於彼道場成無上道時
女夢見彼如來身於夢覺已空中有天而告
之曰汝夢所見是勝日光佛成道已來始經
七日今在道場無量菩薩大衆圍遶彼佛衆
會一切天龍八部鬼神乃至無量淨居諸天
地神風神海神火神山神樹神叢林藥草城
墻等神皆悉雲集奉覲世尊聽受正法時彼
女人聞是語已詣太子所合掌而立以偈白言

我色世間最

智慧無倫匹

才妙善言論

觀者無厭足

太子應當知

我心善貞潔

志尚心端直

清淨無所染

遠離於瞋恚

貪欲及愚癡

以真淨直心

饒益諸群生

我見太子身

相好自莊嚴

見已喜無量

諸根悉調伏

妙體猶淨金

髮美紺青色

額廣目明徹

必為自在王

其身踰金山

相好自嚴飾

我今太子所

合掌恭敬任

其目淨脩廣

方臆如師子

觀者無厭足

妙音應納我

舌相廣長妙

猶如赤銅色

演出梵音聲

聞者踴躍喜

口方牙深固

齒白而齊密

若有覩見者

一切皆歡喜

離垢清淨身

具相三十二

成就此妙相

必為轉輪王

尔時太子語彼女言汝是誰汝為誰守護若先

屬他我則不宜起染愛心尔時太子說偈問曰

清淨功德身

見者無馱足

誰為汝父母

為誰所守護

若先有所屬

我不起欲想

非分生^垂姪心

命終墮^{古華華七}惡道

不應為豪貴

種種富樂故

發起如是等

放逸貪亂心

種種生邪見

幻誑諸諂曲

如是造諸惡

流轉於世間

父母知識所

應起恭敬心

慈悲廣覆護

一切諸群萌

若於一切處

所從聞法者

能生諸善故

應起恭敬心

一切諸導師

正法菩薩眾

聖僧功德海

皆悉應恭敬

修習諸功德

遠離一切惡

安住於正法

廣行菩薩道

若無歸依者

應起大慈心

諸在三惡道

應發大悲念

一切諸法界

有成必有敗

捨心平等觀

莫隨煩惱魔

應發喜提心

覺悟諸群生

無量劫修行

不起疲倦想

時彼女母說偈白言

唯願太子聽

此女從生來

乃至今長成

一切諸因緣

太子所生日

女從蓮華生

其目淨脩廣

肢節悉具足

我曾於春月

遊觀娑羅園

覩見諸卉木

種種華榮茂

同遊八百女

容儀悉端嚴

皆已具知足

諸巧伎能法

彼園有浴池

名曰眾莊嚴

我於池岸坐

姝女眾圍遶

時彼浴池中

千葉蓮華生

寶葉瑠璃莖

閻浮檀金臺

眾妙寶香鬘

普放淨光明

遍照閻浮提

猶若日初出

時見此玉女

從彼蓮華生

觀者皆念言

此則善業報

目髮紺青色

其身如紫金

眾寶以莊嚴

觀者心無厭

離垢淨無穢

肢節悉具足

猶如真金像

安處寶蓮花

毛孔栴檀香

普熏於一切

口出蓮華香

演妙梵音聲

此是玉女寶

世間所希有

身相悉具足

種種妙莊嚴

一切諸伎術 世間言論法 究竟悉縷練

願為哀納受 此是玉女寶 身分悉圓滿

功德具莊嚴 宿行之所得 善知眾生病

起患之所由 又知對治法 除滅眾疑惑

一切閻浮提 眾生語言法 種種伎樂音

無不善通達 此女修功德 遠離女人法

能轉眾生心 唯願哀納受 捨離嫉妬心

不醉於五欲 不起瞋恚心 修習忍智慧

精進持淨戒 能辦一切事 專求諸功德

太子願納受 若見諸貧窮 老病眾苦逼

無所歸依者 大悲普慈念 若欲利眾生

不求自安樂 功德莊嚴身 饒益於一切

於諸威儀中常修不放逸。修習諸善法
見者無不悅。功德普莊嚴。遠離染汙心
常求善知識。恭敬樂供養。修習大慈法
棄捨怨結心。智慧無與等。唯願哀納受
尔時太子答言善女我已先發阿耨多羅三
藐三菩提心欲無量劫行菩薩行積集一切
功德智慧淨修一切諸波羅蜜恭敬供養一
切諸佛護持正法嚴淨一切諸佛世界令如
來種相續不斷教化衆生滅生死苦任究竟
樂欲令衆生淨智慧眼任菩薩道修菩薩行
具足一切菩薩諸地令一切衆生心大歡喜
我當盡未來劫行檀波羅蜜悉捨一切國城
妻子肢節手足頭目髓腦或在家布施出家
修道汝於尔時莫作障礙壞我道心尔時太

妻子肢節手足頭目髓腦或在家布施出家
修道汝於今時莫作障礙壞我道心今時太
子重為彼女而說偈言

哀愍衆生故

我發菩提心

無量無數劫

積集智功德

無量劫海中

修習諸大願

廣修菩薩行

具足一切地

三世諸佛所

學六波羅蜜

聞法能修行

專求菩薩道

十方垢濁刹

我悉令嚴淨

除滅諸群生

三惡道苦患

以諸方便力

廣度一切衆

除滅愚癡闇

任一切智道

供養諸佛海

淨修一切地

發起大慈悲

內外一切捨

若我施來求

妻子諸眷屬

在家及出家

汝莫作障礙 若能如是者 我則納受汝
時汝答言 敬從來教 乃至出家 不敢有礙 即
說偈言

一切劫海中 地獄火燒身 若能眷納我

甘心受此苦 一切生死身 碎末如微塵

若能眷納我 甘心受此苦 無量劫頂戴

一切金剛山 七 若能眷納我 甘心受此苦 王

一切生死海 以我施無悔 若得法王處

願令我亦然 無量無數劫 修行菩薩道

有來求我者 歡喜願施與 太子見眾苦

發起菩提心 無量大慈悲 攝眾及我

我不求豪富 不貪五欲樂 但願共行法

古花五十七

而為太子妻 脩廣明淨眼 慈愍觀衆生

不起染汙心 必成菩提道 太子遊行時

地出衆寶華 此相無有疑 必為轉輪王

我昔於夢見 正覺勝日光 菩提樹下坐

大衆悉圍遶 夢中見彼佛 以手摩我頂

覺已大歡喜 踊躍無有量 空中時有天

名曰清淨身 彼天為我說 道場佛與世

我發如是念 若見太子者 當為分別說

勝日光佛興 我誓所志願 於今悉成滿

唯願俱往詣 供養彼如來

尔時太子聞彼如來出興于世心大歡喜踊

躍無量欲見彼佛以五百寶散彼女人又與

妙德光藏淨周羅寶并妙衣服時彼女母即

為太子而說偈言

妙德光藏淨周羅寶并妙衣服時彼女母即
為太子而說偈言

今此王女寶 功德莊嚴身 我昔所志樂

此願今成滿 持戒不放逸 智慧諸功德

普於一切世 最勝無倫匹 此女蓮華生

種姓無譏嫌 遠離諸不善 太子同志願

此女身柔輒 猶如天繒纒 蒙彼手塵者

眾患悉除滅 毛孔所出香 芬馨無倫比

眾生若聞者 悉住於淨戒 其身淨無垢

譬如真金像 若有覩見者 離害具慈心

口出微妙聲 無不樂聞者 若有聽斯音

遠離諸惡業 心淨無瑕穢 質直無諂曲

隨其所聞法 如說能修行 恭敬善知識

及所尊重者 遠離貪欲心 專求於正法

隨其所聞法

如說能修行

恭敬善知識

及所尊重者

遠離貪欲心

專求於正法

此女心不恃

妙色蓮華生

世間諸榮樂

唯求無上道

時彼太子與此女俱并一萬姝女出香牙園

各乘寶車往詣道場下車步進遙見如來相

好嚴身其心澄淨如鏡淵渟諸相調伏猶如

象王心大歡喜踊躍無量與姝女眾往詣佛

所頭面禮足恭敬供養遶無數帀各持五百

眾妙寶華供散彼佛為彼如來興立五百眾

香樓閣雜寶嚴飾時彼如來為說普門燈明

修多羅聞說經已於一切法中得三昧海所

謂諸佛願海三昧普照三世光藏三昧對見
一切諸佛三昧普照一切衆生三昧普照世
界海淨智燈光明三昧普照衆生根海智光
明三昧救護衆生光雲三昧教化衆生現前
智燈明三昧聞持諸佛法輪三昧具普賢行
淨雲三昧於一切法中得如是等諸三昧海
時彼王女於諸法中得不可壞寂靜法明於
阿耨多羅三藐三菩提得不退轉時彼太子
與諸眷屬禮彼如來遶無量而辭退還宮詣
父王所頭面敬禮白言大王彼道場上勝日
光佛始成正覺王問太子從誰聞乎答言從
彼離垢妙德女聞時王聞已大歡喜無量猶

如貧人得大寶藏作如是念佛無上寶難值
難遇能滅衆生惡道貧苦爲無上醫善對治
法除滅衆生諸煩惱患爲善導師於生死海
濟度衆生置涅槃處作是念已召諸小王及
諸群臣并婆羅門刹利居士皆悉集會而告
之曰我聞太子無上吉語云勝日光佛出興
于世我聞是已歡喜無量無以酬報今捨王
位授與太子王捨位已與諸眷屬往詣道場
勝日光佛所頭面禮足退坐一面

入法界品之十二

尔時如來觀察彼王及諸眷屬白毫相中放
大光明名曰一切衆生心燈普照十方無量

世界一切諸王顯現如來不可思議自在神力應受化者令彼心淨具足不可思議功德超出世間其身清淨以微妙音爲大衆說離癡翳法真實燈陀羅尼門佛刹微塵等陀羅尼以爲眷屬彼王聞已即得廣大智慧光明閻浮提微塵等菩薩得此陀羅尼六十那由他人得諸漏盡一萬衆生皆得離垢清淨法眼無量衆生悉發阿耨多羅三藐三菩提心又以不可思議自在神力於十方刹以三乘法化度衆生尔時彼王作如是念此諸功德若不出家則不能辨我今應當於如來所出家修道前白佛言今從世尊出家學道佛荅

王言宜知是時時王即與一萬眷屬出家修道皆得離癡翳法真寶燈陀羅尼門及世界微塵等陀羅尼又得菩薩十明及無量辯淨無礙身詣諸佛所悉聞受持佛正法輪為大法師以神通力遍諸世界隨所應化為彼現身讚歎佛法并諸過去菩薩所行菩薩本生又讚歎佛無量無邊自在神力守護正法亦時太子月十五日王得道時於其正殿姪女圍遶七寶自至一金輪寶名勝自在二象寶名曰青山三紺馬寶名勇疾風四神珠寶名光藏雲五主藏臣寶名曰大財六玉女寶名淨妙德七主兵臣寶名離垢眼得是七寶於

閻浮提作轉輪王時有千子端正勇猛能伏
怨敵時彼人民熾盛豐樂自在八萬王城城
各建立五百樓閣大僧伽藍衆寶莊嚴一一
僧伽藍起廣大塔一切衆寶以為莊嚴香華
繒蓋而供養之一一王城次第請佛以不思
議衆妙供具供養如來時佛入城無量衆生

皆大歡喜長養善根發菩提心以廣大悲饒

垂

第廿卷

十

威氏

益衆生正求佛法知真實義平等觀察三出
諸法明淨智慧普照三世知三世佛次第出
世攝取衆生向菩薩道行菩薩行安住菩薩
平等正法逮得如來法輪智光深入法海能
於己身見一切刹善知諸根弘誓願海得一
切智尔時如來次第受彼諸王請時如是饒
益無量衆生佛子尔時太子曾上功德主豈

切智尔時如來次第受彼諸王請時如是饒
益無量衆生佛子尔時太子增上功德主豈
異人乎今釋迦牟尼佛是也尔時王寶主寶
華佛是也寶華如來今在東方過世界海微
塵等世界海有一世界海名法界虛空光雲
中有世界名佛圓滿光妙德燈彼有道場名
曰一切天王光幢彼佛始成正覺與不可說
佛刹微塵等菩薩大衆圍遶說法彼寶華佛
爲菩薩時淨彼刹海彼刹海中三世諸佛出
興世者皆寶華佛爲菩薩時教化今發阿耨
多羅三藐三菩提心尔時女母善現者今我
母善目是也王眷屬者彼如來所大衆是也

皆悉具足普賢諸行成就大願清淨法身普
照世閒其心無壞逮得菩薩諸三昧門以清
淨眼皆悉對見一切諸佛一切如來以虛空
等妙音聲雲轉正法輪悉聞受持於諸法中
得自在力出入息頃遍遊一切諸佛世界以
微妙音爲衆生說法而未嘗離一切佛所盡
未來劫修菩薩行隨所應化悉爲現身亦時
離垢妙德寶女共增上功德主轉輪王四事供
養勝日光佛者我身是也彼佛滅後其世界
中有六十百千億那由他佛出興于世其最
初佛号明淨身次名淨月普照智次名智觀
幢次名廣智光明王次名精進金剛那羅延
次名不壞智次名智普緣次名淨德智雲次
名師子智光次名周羅光明次名功德光幢

次名不壞智次名智普緣次名淨德智雲次
名師子智光次名周羅光明次名功德光幢
次名智日幢次名開寶蓮華身次名功德光
次名智雲光次名普明淨月次名莊嚴淨妙
音次名師子勇猛智照次名法界慧月次名
覺衆生心虛空電光次名善鼻妙香次名寂

滅響次名甘露山次名法海雷音次名無壞
智音次名覺空電光周羅次名月光白毫相
雲次名圓面淨慧次名善覺智華光次名寶
炎山妙德王次名廣德夜光次名妙寶月幢
次名具三昧身次名勝寶光王次名現普智
光次名炎海門燈次名離垢妙音王次名無

等功德次名勝幢次名脩臂次名本願淨月
次名眞實智燈次名法上妙音次名明淨妙
德藏王次名乘幢次名法海蓮華佛子彼一
劫中如是次第六十百千億那由他佛出興
于世我悉親近恭敬供養其最後佛名廣解
脫光於彼佛所得淨智眼佛子尔時彼佛初
成正覺入城教化我時爲王夫人與彼大王
恭敬供養聞彼佛說如來性起證修多羅門
已得淨智眼又得觀察菩薩三昧海法門佛
子我得此法門已於世界微塵等劫受持修
習是諸劫中值無量佛出興于世我悉恭敬
供養佛子我或一劫值一如來出興于世恭

敬供養或二或三或不可說或於一劫值世
界微塵等佛出興于世我悉恭敬供養而未
能知諸大菩薩身量像貌及其身業心行智
慧三昧境界佛子我若見修菩薩行者歡喜
無量恭敬供養以諸方便而攝取之今於阿
耨多羅三藐三菩提得不退轉佛子我於世
界微塵等劫值遇諸佛恭敬供養彼佛說法
悉聞受持時彼諸佛各以種種修多羅為我
說此法門我聞是已悉於三世佛刹海中諸
如來所佛眷屬所修此法門又行菩薩行菩
薩大願海種種法門中修此法門猶未能知
普賢菩薩所行法門何以故佛子普賢法門

猶如虛空無量無邊又如衆生及三世海十方刹海及諸法界無量無邊佛子普賢菩薩法門與諸佛身境界齊等我於世界微塵等劫觀菩薩身心無厭足何以故我於菩薩一毛孔中念念悉見無量無邊莊嚴世界佛坐道場或等正覺於大眾中以微妙音轉正法輪說種種修多羅種種諸乘種種清淨復次佛子我於菩薩一一毛孔中念念悉見諸衆生海各有所住及其境界諸根不同於三世中發菩提心行菩薩行具大願海淨諸菩薩無量無邊波羅蜜海及諸菩薩本生之海無量無邊大慈悲海攝取衆生悉令歡喜乃

至悉見一切菩薩現處中宮嫫女圍遶佛子
我於菩薩一一毛孔中皆悉現見如是等事
佛子我唯知此法門諸大菩薩皆悉究竟諸
方便海顯現一切衆生等身隨順世閒於一
切毛孔普放一切相海光明了法無性諸衆
生類等如虛空一切至處皆悉如如顯現神
變於諸法界得自在力遊戲普門一切諸地
法門海中我當云何能知能說彼功德行尔
時瞿夷語善財言善男子此迦毗羅城摩耶
夫人汝誚彼問云何菩薩修習諸行不染世
法供養諸佛於菩薩行得不退轉除滅障礙
不由他悟入諸法門常能應現一切佛所攝
取衆生盡未來劫修菩薩行而不退轉究竟
滿足大乘諸願長養一切衆生善根尔時瞿

取衆生盡未來劫修菩薩行而不退轉究竟
滿足大乘諸願長養一切衆生善根尔時瞿
夷承佛神力欲重明此義以偈頌曰

我見樂修行 菩薩諸行者 歡喜心無量

皆悉攝取之 乃昔以遠世 過百刹塵劫

有劫名清淨 世界名光明 尔時彼劫中

六十百千億 那由他諸佛 出興於世間

最後等正覺 号名法幢燈 彼佛滅度後

有王名智山 以大白自在力 王領閻浮提

悉能廣降伏 一切諸怨敵 王子有五百

端正身姝妙 其體淨圓滿 見者無厭足

深信諸佛法 恭敬而供養 守護正法藏

受持樂修習 彼王有太子 名曰善光明

三十相嚴身 饒益諸群生 百五億人俱

受持樂修習

彼王有太子

名曰善光明

三十相嚴身

饒益諸群生

百五億人俱

出家行學道

勇猛精進力

護持彼佛法

王都名智樹

一億城圍遶

有林名靜德

眾寶樹莊嚴

善光住此林

廣說佛正法

辯才無窮盡

今眾悉清淨

或為乞食故

入彼王都城

庠序有威儀

見者莫不欣

遊步如師子

志意常安諦

諸根悉調伏

念慧現在前

介時有長者

名曰歡喜幢

我為長者女

名曰隨順光

時我於城中

遇見善光明

相好莊嚴身

歡喜心無量

次乞至我門

我以深心施

摩尼莊嚴具

投彼善光鉢

雖以深愛心

供養彼佛子

二百五十劫

不經三惡道

常於天人中

古花五十七卷

三

王

投彼善光鉢

雖以深愛心

供養彼佛子

二百五十劫

不經三惡道

常於天人中

尊貴王家生

恒見善光明

妙相莊嚴身

於後所過劫

二百有五十

善現女家生

名離垢妙德

我見勝自在

發起供養心

不惜身壽命

隨其所施與

時與太子俱

覲佛勝日光

歡喜心無量

發起菩提心

彼劫最後佛

名廣解脫光

出興於世間

我值悉供養

從彼最後佛

得淨智慧眼

了知諸法相

除滅虛妄倒

得觀察菩薩

三昧海法門

一念悉覩見

不可思議刹

見彼諸佛刹

或淨或垢穢

於淨不會樂

於穢不憎惡 普見諸世界 如來坐道場

一念見諸佛 不思議光海 亦見佛眷屬

一切三摩提 一切諸法門 皆悉無障礙

又知彼業行 隨其所住地 及諸大願海

一念悉了知 我於菩薩身 見諸菩薩等

無量劫修行 一切莫能測 一一毛孔見

阿僧祇劫刹 風輪水火輪 一切大地輪

種種所依住 世界形類相 諸妙莊嚴具

衆生身差別 又見世界海 一切諸世界

諸佛出興世 說法度衆生 我於無量劫

修習菩薩行 猶不知菩薩 身業心智慧

時善財童子頭面敬禮彼瞿夷足遶畢辭退

介時善財童子作如是念我當云何見善知

哉善知識者遠雖世間主無所住不著者入

尔時善財童子作如是念我當云何見善知識善知識者遠離世間住無所住不著諸入超出障礙趣無礙道具淨法身善業化身以明淨智觀諸世間大願成滿持佛法身如意法身非生滅身非來去身非虛實身非聚散身一切諸相即一相身離邊見身無所著身

無窮盡身滅衆虛妄如電光身如幻夢身如鏡像身如靜日身充滿一切諸方化身於三世中無壞法身非身之身如是等身一切世間所不能見唯是普賢菩薩所見彼善知識行無礙行我當云何能見親近知其相貌聞法受持作是念已時有城天名曰寶眼眷屬

圍遶在虛空中為善財現妙莊嚴身以天寶
冠寶莊嚴具供養善財作如是言善男子應
守護心城離生死故應莊嚴心城得十力故
應淨心城遠離慳嫉諸諂曲故應滅熾然猛
炎心城諸禪三昧法門相續得自在故應照
心城常以般若波羅蜜光照如來海及眷屬
故應長養心城攝取諸佛方便道故應堅固
心城出生普賢諸行願故應修心城諸魘魔
民及餘怨敵莫能壞故應明心城得諸如來
智光明故應修無壞心城能受如來正法雲
故應具心城已心悉受一切如來功德海故
應廣心城大慈普覆一切衆生故應蓋心城

以法普覆障不善故應進心城無量大悲救
一切衆生故應開心城門正念一切三世佛
故應達心城悉知諸佛轉正法輪修多羅法
門因緣起故應知心城道開示顯現一切智
道故應持心城具三世佛諸願海故應知心
城力長養法界功德力故應放心城普照光
明知一切衆生諸根欲性結業習氣諸垢淨
故應知心城自在力攝取一切諸法界故應
瑩心城任佛念故應知心城實相了達諸法
無實性故應知心城如幻入一切智正法城
故菩薩摩訶薩若如是知諸心城者則能積
集一切善根何以故蠲除無量諸障礙故所

謂見佛障聞法障供養佛障攝衆生障淨佛
刹障佛子喜薩摩訶薩若有如是無障礙心
以少方便能見一切諸善知識究竟成就一
切種智尔時有天名法妙德在虛空中妙聲
讚歎摩耶夫人又放種種色光明網廣照無
量諸佛世界尔時善財見光明網照諸佛身
遠一一币已然後還來入善財頂充滿其身尔
時善財即得離垢淨光明眼除滅一切愚癡
闇障得離翳眼了知一切衆生實性得離垢
眼觀一切法性得淨慧眼觀一切刹性得淨
光眼見佛法身得普明眼觀不思議如來色
身得無礙光眼觀察一切世界成敗得遍光

眼見一切佛轉正法輪出生修多羅得普見
界眼觀察無量諸佛神力教化衆生得普見
眼觀一切世界隨因緣起諸佛興出時有守
護菩薩法堂羅刹鬼王名曰善眼與妻子俱
一萬羅刹眷屬圍繞在虛空中散衆妙華語
善財言善男子若有菩薩成就十法則能親
近諸善知識何等為十所謂直心清淨遠離
諂曲不壞大悲攝取衆生觀察衆生非真實
性於薩婆若心不退轉於佛大衆得堅信心
以淨慧眼觀諸法性無壞大悲普覆衆生明
淨慧光了諸法界善對治法雨甘露雲除生
死苦順善知識以明淨眼觀諸法性相續不

斷菩薩成就此十法者則能親近諸善知識
復次佛子菩薩成就十三昧門則能覩見諸
善知識何等為十所謂淨法虛空圓滿三昧
觀察一切方海三昧分別一切境界三昧對
見十方諸佛三昧長養功德藏海三昧念念
不捨善知識三昧現前見一切如來功德善
知識三昧詣善知識三昧常得不離一切善
知識三昧恭敬供養善知識無過失三昧善
男子菩薩成就此十三昧門則能覩見諸善
知識又得諸善知識微妙音聲轉正法輪三
昧法門若有菩薩住此法門悉知一切諸佛
平等常能覩見諸善知識今時善財荅羅刹

言善哉善哉以哀愍故方便教我見善知識
願為我說云何往詣善知識所於何方處城
邑聚落求善知識答言善男子敬禮十方求
善知識正念思惟一切境界求善知識勇猛
自在遍遊十方求善知識知身知行如夢如
電詣善知識時善財隨順其教即時覩見
大寶蓮華從地涌出金剛為基摩尼為葉淨
寶為臺眾妙香鬘以阿僧祇摩尼寶網羅覆
其上蓮華臺上有一樓觀名曰攝取法界方
藏金剛為地樓有千柱一切摩尼眾寶合成
種種莊嚴懸阿僧祇妙寶瓔珞阿僧祇寶以
為欄楯爾時善財見樓觀中有摩尼寶師子

之座衆寶莊飾雜寶欄楯敷衆妙衣寶網覆
上建寶幢蓋於金鈴中出妙音聲雨妙香華
諸寶鈴中出諸菩薩修行音聲月幢中出佛
化身淨摩尼中顯現如來次第受生日摩尼
中放無量光照十方刹摩尼寶王光明幢中
放一切佛圓滿光明淨寶中出衆供具一
切衆生燈佛正法雲如意寶中念念出生普
賢自在充滿法界須弥幢中出天妙聲讚歎
如來介時善財見此不可思議莊嚴高座不
可思議眷屬圍遶見摩耶夫人處彼座上端
正殊妙具淨色身出三世間色身一切世間
對現色身遠離一切有趣色身隨其應教化

色身一切衆生不染色身起廣大色身與一
切衆生等色身一切衆生無等色身一切衆
生見不虛色身種種色身隨所應化顯現色
身無量形像色身普門形像色身一切衆生
對現色身廣大自在門莊嚴色身教化一切
衆生色身一切衆生對現垂形色身一切時
現種種不壞色身一切衆生究竟不究竟任
色身不去色身於一切趣無所滅故不來色
身一切趣無所生故不起色身不起不現故
不滅色身離一切世間語言道故不虛色身
隨所得故不欺色身隨應世間故無所至色
身不生不死故不壞色身法性無壞故無相

色身三世語言斷故一相色身無相善說相
故如電色身隨應一切衆生心故如幻色身
智幻滿故如炎色身持衆生想故如影色身
一切衆生本願相續不斷故如夢色身隨應
衆生不可壞故究竟法界色身淨如虛空故
現大悲色身成就一切衆生故顯現無礙門

百卷五十七

色身於念念中滿法界故無量無邊色身淨
一切世間離語言道故無所依色身教化衆
生究竟願故住持色身能辦一切衆生事故
不生色身幻願滿故無比色身出世間故隨
應色身隨應度故不雜色身隨業相續故如
意珠色身滿足一切衆生願故離虛妄色身

一切衆生虛妄起故離覺觀色身一切衆生
不能思察故不究竟色身除滅生死故清淨
色身離如來覺觀故如是色非色色如電故非
受除滅世間苦受故離一切想分別一切衆
生想故出生行非行諸業如幻故離識境界
滿足菩薩智慧願故空無所有一切衆生語
言斷故色身成就妙色不滅故尔時善財見
摩耶夫人隨應衆生示現如是種種無量色
身衆生或見過他化自在天王女身乃至過
四天王女身或見過龍王女身乃至過人王
女身尔時善財見如是等種種色身長養一
切衆生善根行不可壞檀波羅蜜大悲普念

一切衆生出生如來無量功德勇猛精進求
薩婆若知一切法皆寂滅相入深忍海具足
一切無壞禪定修習一切三昧境界逮得如
來圓滿禪定滅一切衆生諸煩惱海皆悉嚴
淨一切法界分別了知諸佛法輪以明淨智
觀一切法海見一切佛心無猷足次第觀察
三世如來開一切佛門見三世佛次第興世
淨佛道戒如如空攝一切衆生而教化之
得淨法身淨一切佛刹諸大願誓究竟化度
一切衆生一念充遍諸佛境界出生菩薩自
在神力顯現無量清淨色身降一切魔力增
長功德力生善法力得一切佛力具菩薩力

生一切智力如來智慧普照一切悉知無量
衆生心海了知衆生諸根欲性一身充滿十
方無量無邊佛刹悉分別知佛刹成敗開淨
智眼見三世海諸佛法海出生一切如來功
德知一切菩薩所修功德從初發心乃至究竟
長養一切衆生善根於一切世間讚歎一

切諸佛功德成滿一切菩薩母願今時善哉
見摩耶夫人有如是等閻浮提微塵等未曾
有事即變化己身悉與摩耶夫人身等合掌
敬禮五體投地即得無量無邊諸三昧門正
念修習分別觀察隨順出生印證證已從三昧
起起已敬遶摩耶夫人及諸眷屬恭敬合掌

於一面住白言大聖文殊師利菩薩往昔教
我發阿耨多羅三藐三菩提心求善知識親
近供養我已漸求至大聖所願為演說云何
菩薩學菩薩行修菩薩道答言佛子我已成
就大願智幻法門得此法門故為盧舍那如
來母於此閻浮提迦毗羅城淨飯王宮從右
脅生悉達太子顯現不可思議自在神力善
男子菩薩於兜率天命終時一一毛孔放大
光明名一切如來受生圓滿功德顯現不可
說不可說佛刹微塵等菩薩受生莊嚴普照
一切世界照已來觸我頂遍入我身一切毛
孔入已普見菩薩受生自在莊嚴又見出家

往詣道場成等正覺菩薩天人大眾圍遶恭
敬供養轉正法輪彼諸如來於過去世行菩
薩行於諸佛所恭敬供養發菩提心淨諸佛
刹無量化身充滿法界教化衆生乃至示現
大般涅槃如是等事皆悉覩見又善男子彼
妙光明來入我身我身亦時超出世間與虛
空等亦不過人身悉能容受十方菩薩莊嚴
官殿

十六紙

大方廣佛華嚴經卷第五十七

垂下

